



Nannunik piniarnej illersuinerlu pillugit Namminersorlutik Oqartussat nalunaarutaat allangorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni nannunik inuit najugaqarfiinut pisunik pisarinnittoqarsinnaangorlugu, pisaqarnissaq sioqqullugu immikkut akuersissummik peqqaanngikkaluarluni.

(Inatsisartunut ilaasortaq Jens NapätôK, Naleraq)
(Siullermeerneqarnera)

Inatsisartunut ilaasortaq Jens NapätôK siunnersuummut uunga qujanaq.

Demokraatinut pingaernerpaarpaavoq, malittarisassat ima ilusilersorneqarsimassasut, inuit inuunerat pingaernerpaajuassalluni. Nanoq ulorianartuuvoq, annertuumik sissuertariaqartoq.

Taamaattumik aallaavittut isumaqatigaarput, apereqqaartoqartassanngitsoqq nannunniaraanni, inunnik ulorianartorsiortitsisumik.

Nalornissutigaaarpulli ilumut pisariaqavissornersoq nalunaarutip atuuttup allangortittariaqarnera imaluunniit malittarisassat taamaatsiinnarlugit, ajunnginnersut.

Isertugaataangilaq, siunnersuut una takoreernikuugatsigu, tassami siunnersuutip suliarineqarnera upernaq Inatsisartunut qinersinerup maangaanaq unitsimmagu. Siunnersuut Ukiaanerani katersuunnermi 2020-mi saqqummiunneqarmat Naalakkersuisunit itigartinneqarpoq tunngavigineqarluni, maannakkut aqqissuussaq naammaginatumik ingerlasoq. Maannakkut ukioq ataaseq qaangiuttoq Naalakkersuisut isumaqalerput, nalunaarutip allangortinnissaa isumassarsiatsialaasoq.

Oqartariaqarpunga, isumaqarama, isiginnittaaseq taanna sukumiinerusumik misissortariaqartoq, assilissamik suliarilluakkamik pissarsiumalluta, ilumut isumaqarnersoq nalunaarutip allangortinnissaa soorlu siunnersuuteqartup tamanna kissaatigigaa.

Taamaattumik Aalisarnermut, Piniarnermut Nunalerinermullu Ataatsimiititaliaq kajumissaassavarput ajornartorsiut taanna sukumiisumik misissoqqullugu tamatumalu kingorna misissorneqareerpat isummissalluta siunnersuut akuerineqassanersoq itigartinneqassanersorluunniit.

Taamatut paasinnilluta siunnersuutip Aalisarnermut, Piniarnermut Nunalerinermullu ataatsimiititaliami suliarineqarnissaa innersuussutigaaarpup.